



UNIVERSITÄTS-
BIBLIOTHEK
PADERBORN

Die XIX. Junii. In Festo S. Julianæ De Falconeriis Virg.

[S.l.], [ca. 1770]

Die XIX. Junii. In Festo S. Julianæ De Falconeriis Virg. Duplex.

[urn:nbn:de:hbz:466:1-62798](https://nbn-resolving.org/urn:nbn:de:hbz:466:1-62798)

Die XIX. Junii.

IN FESTO

S. JULIANÆ DE FALCONERIIS VIRG.

Duplex.

*Omnia de Comm. Virg. exceptis iis, quæ
hîc propria ponuntur.*

Ad Vesperas, & ad Matutinum. Hymnus.

C œlestis Agni nuptias O Juliana dum petis, Domum paternam de- feris, Chorùmque ducis Vir- ginum. Sponsumque suffixum Cruci Noctes, dièsque dum gemis, Doloris ic̄ta cuspide Sponsi refers imaginem Quin septiformi vulnere Fles ad genu Deiparæ;	Sed crescit intuta fletu, Flammâsque tollit cha- ritas. Hinc morte fessam proxi- ma Non usitato te modo Solatur, & nutrit Deus, Dapem supernam por- rigens Æterne rerum Conditor, Æterne Fili par Patri, Et par utrique Spiritus Soli tibi sit gloria. Amen.
---	---

Oratio.

DEUS, qui beatam Julianam Virginem
tuam extremo morbo laborantem pre-
tioso Filii tui Corpore mirabiliter recreare
dignatus es: concede quæsumus; ut, ejus
intercedentibus meritis, nos quoque eodem
in mortis agone resecti, ac roborati ad cœle-
stem patriam perducamur. Per eundem D.

IN I. NOCTURNO.

Lect. de Scriptura occurrente.

)(

IN

IN II. NOCTURNO.

Lectio IV.

Juliana ex nobili Falconeria Familia Clarissimo Patre, qui templum Deiparæ ab Angelo salutatae ære suo magnificè à fundamentis Florentiæ, ut nunc visitur, erexit, Matre Reguardata, ambobus jam senescens, ac ad id tempus sterilibus, nata est anno millesimo ducentesimo septuagesimo. Ab incunabulis non exiguum futuræ sanctitatis specimen dedit: vagientibus quippe labris, suavissima Jesu, & Mariæ nomina ultrò proferre audita est. Pueritiam postmodum ingressa totam se christianis virtutibus mancipavit, in quibus adeò excelluit, ut Beatus Alexius patruus, cujus institutis, ac exemplis instruebatur, Matri dicere non dubitaverit, ipsam non sceminam peperisse, sed Angelum; nam ita modesto vultu, animoque ab omni, vel levissimâ erroris maculâ pura fuit, ut oculos nunquam in toto vitæ cursu ad hominis faciem intuendam erexerit, auditoque peccati vocabulo contremuerit, imò sceleris narratione perculsa, illicò propè exanimis corruerit. Expleto nondum decimoquinto ætatis suæ anno, re familiari, licèt opulenta, terrenisque posthabitis nuptiis, Deo virginitatem in manibus divi Philippi Benitii solemniter vovit, ab eoque omnium
prima

pr
ut

J
ter
di
M
leg
de
D
n
ta
cu
co
se
qu
du
pi
di
en
ex
ta
fe
li
da
co
nu

I

prima religiosum Mantellatarum habitum,
ut dicunt, sumpsit. *ꝛ.* Propter veritatem.

Lectio V.

Julianæ exemplum secutæ sunt plurimæ
ex nobilioribus Familiis fœminæ, ac Ma-
ter ipsa Filiæ sese religiosè instituendam de-
dit, ita ut, aucto paulatim numero, Ordinem
Mantellatarum instituerit, ac illi piè vivendi
leges summâ prudentiâ, ac sanctitate tradi-
derit. Ejus virtutes cum optimè perspectas
Divus Benitus haberet, morti proximus,
nulli meliùs, quàm Julianæ, non fœminas
tantùm, sed & totum Servorum Ordinem,
cujus Propagator, & Moderator extiterat,
commendatum voluit. Verùm ipsa demissè semper de
se cogitabat, & cum cæterarum esset Magistra, in re quâ-
que domesticâ, licet vili, Sororibus famulabatur. Assi-
duitate orandi integros insumebat dies, in ecstasi sæ-
pissimè rapta, & si reliquum, in sedandis Civium disti-
diis, criminosis à via iniquitatis retrahendis, ac inservi-
endis impendebat ægrotis, quorum quandòque saniem
ex ulceribus manantem admoto ore lambens, eos sani-
tati restituebat. Corpus suum flagris, nodosis funiculis,
ferreis cingulis, vigiliis, humi nudæ cubando, terere so-
lita fuit. Parcissimè cibo, & hoc vili quatuor hebdoma-
dæ diebus, & reliquis duobus solo Angelorum pane
contenta, excepto die Sabbati, quo pane solo, & aquâ
nutriebatur. *ꝛ.* Dilexisti justitiam.

Lectio VI,

Durâ hujusmodi vivendi ratione in stomachi mor-
bum incidit, quo ingravescente, cum septuagesi-
mum

mum ætatis annum ageret, ad extremum vitæ spatium redacta est. Diurnæ valetudinis incommoda hilari vultu. constantique animo pertulit: de uno tantum conqueri audita est, quod, cum cibum capere, ac retinere nullo modo posset, ab Eucharistica mensa, ob Sacramenti reverentiam arceretur. Verum his in angustiis constituta, Sacerdotem rogavit, ut allatum divinum Panem, quem ore sumere nequibat, pectori saltem exterius admoveret. Precibus illius morem gessit Sacerdos; & mirum! Eodem temporis momento, divinus Panis disparuit, & Juliana sereno, ac ridenti vultu expiravit. Res supra fidem tamdiu fuit, donec virgineum de more curaretur corpus; inventa enim est circa sinistrum pectoris latus carni veluti sigillo impressa forma Hostiæ, quæ Christi crucifixi effigiem repræsentabat. Hujus prodigii fama, cæterorumque miraculorum, non Florentiæ tantum, sed totius Christiani Orbis venerationem illi conciliavit, ac per quatuor propè integra sæcula adeò aucta est, ut tandem Benedictus Papa decimus tertius in ejus celebritate Officium proprium recitari ab universo ordine Beatæ Mariæ Virginis Servorum jufferit. Clemens verò duodecimus munificentissimus ejusdem Ordinis Protector novis indies miraculis coruscantem, sanctarum Virginum Catalogo adscripsit. *¶. Afferentur Regi.*

IN III. NOCTURNO.

Homil. S. Gregorii Papæ in Evang. Simile erit regnum cælorum decem Virginibus.

Nona Lect. SS. Gervasii, & Protasii, & Commem. ad Laudes.

Missæ de Comm. Virginum. Dilexisti &c. In secundis Vesperis, Commemoratio S. Silverii Papæ & Martyris.